


伊犁考

七五六一四
9397



伊犁考

新疆南北兩路。天山亘其中。漢唐以來。久隸中國版圖。



傳所載五十餘國。皆在天山南路。其山北止六國。自蒲類。今巴里

蒲類之轉音急。以東為匈奴界。自輪台在今綏徠縣地以西為烏孫界。設

都護於烏壘城。居中扼要。其使車往來。則一由疏勒今喀什出北

道。西踰葱嶺。通大宛。康居。一由莎車今葉爾羌出南道。西踰葱嶺。通月

氏安息。是時北路未開。阻於烏孫也。烏孫之地。兼有今伊犁。塔爾

巴哈台。庫爾喀。喇諸部。東至金山今阿爾泰山。與匈奴毗連。西至碎葉。

與康居接壤。游牧行國。勝兵數十萬。最為強盛。建牙於赤谷城。在伊犁

犁東南凌山之陰。特克斯河上源。今日薩馬克善。故張騫置議。欲與和親。以斷匈奴右臂。

魏晉之後。烏孫衰弱。突厥回紇迭踞其地。建牙於弓月城。在伊犁東北今

巴彥岱之地。唐時山北之路始開。由撥換踰凌山。一作拔達嶺。今穆素爾嶺。度清池。

一作熱海。今以達於千泉。碎葉。元奘遊記。其程途歷歷可考。開元

後置十六州都督府。葱嶺以西諸國。並受羈縻。葱嶺以東。建立四

鎮。曰撥換。曰疏勒。曰碎葉。曰護密。移安西都護府於龜茲。今庫車城。長史居之。山北置

北庭都護府。旋改端州。即今烏魯木齊。所謂回鶻五城是也。遼

之宗姓。耶律大石間關萬里。創立基業。盡有西域之地。號曰西契

丹。傳國百年。有二都城。一曰尋思干。一曰虎思窩魯朶。在伊犁西南七百里

元太祖成吉思汗崛起朔漠。自東而西。用兵七年。屠滅數十國。南

踰鍊門。度雪山。至印度。追及申河。北踰大和嶺。即烏拉嶺寬田吉思

海。征亞速。今亞薩塔坎葛羅斯。即俄羅斯窮極冰海。事定之後。裂其地

以封諸王。其次子窩濶台。建國於土蘭。即達爾給斯丹。一曰陀奇斯丹。為哈薩克之都城。

今俄國大酋高憲宗之世。復遣宗王旭烈兀。征木乃奚。一作眉什奚。今波斯東

富滿駐於此境之哥。哈里發。一作加利福。譯言教王也。即黑衣大食其都城曰

蘭森諸國。西度地中海。收富浪島。即居比路島。古之西女國。今屬英吉利而回。元代功烈之

盛。幅員之廣。亘古無倫。偉哉。於是置阿母河行省。駐尋思干城統葱

嶺以西諸國。置別什八里元帥府。統天山南路。置阿力麻里。即今

伊犁元帥府。統天山北路。置火州曲先。今吐魯蕃哈喇和卓元帥府。統關外諸

州縣。其後海都叛亂。踰金山而入寇。世祖親征。逆戰於北庭。乃

命其子北平王。與丞相安童。出鎮阿力麻里。旋為叛王昔里吉

思所拘。至元以降。藩鎮跋扈。朝廷鞭長莫及。四分五裂。然終明

之世。三百餘年。西域諸部酋長。大抵猶元裔也。北路部落。號曰

四衛拉。而準噶爾最強悍。漸兼併我。朝平定準部。誅戮無噍

類。數千里空曠無人。乃從滿漢官兵。以實之。迨回部底定。新

疆南北兩路。悉隸於伊犁將軍。分屯置戍。建立城垣。屹然為

西北重鎮矣。咸豐末年。回民煽亂。俄人乘隙竊據伊犁。多

所變更。拆毀諸城材料。改建市廛於金頂寺。至光緒二年。左侯相
恢復回疆。始議索還伊犁。而俄人居心叵測。多所要挾。中外臣民
論議不一。或曰漢唐以來。伊犁本在甌脫之外。地僻而遠。今之富
盛。因漢人居之。若一旦徙其民而遷其官。將立見荒涼如舊。棄之
不足惜也。與其得空城。添兵費餉。又與俄人錯居。無一定界。趾難
免爭端。不如退而讓之。畫界自守。以陰山為限也。或曰伊犁為新
疆門戶。西域精華。累朝戡定。擘畫所費不貲。休養生息。民殷物阜。
尺寸之地。不以假人。千里膏腴。何可資敵。必竭全力以爭之。勢不
容已也。要之。廟堂之上。自操勝算。非草野愚昧所能窺測。姑就

伊犁地圖。詳稽博訪。其山川形勢。可得而言焉。伊犁四面皆山。週
圍環繞。冰雪不消。其中^平衍之地。東西長七八百里。南北廣三四百
里。一水縈帶。眾泉交注。引渠開屯。足資灌溉。其八城駐防。及可耕
種之區。俱在河北。不過二三百里而已。河南一帶。迄於山麓。多係
沙磧。為錫伯八旗游牧之處也。自善塔斯嶺。分幹東下。綿亘千里。
為鉛山^廠銅廠諸山。又東為阿拉套山。接連哈什圍場。折北而西。環
賽里木泊。復轉東北。經絡塔爾巴哈台。而下與金山相屬。古皆稱
為陰山。今概呼為雪山。未有主名。伊犁之河。以特克斯為正源。發
於城西南。隔山三百餘里。流泉數十道。左右匯合。至薩馬克善。即

烏孫所治赤谷城也。又東流經穆素爾嶺。轉東北流三百餘里。經額魯特下五旗游牧。有崆吉斯河。自東入之。又折西流百里。有哈什河。自東北來。會西南山中。有數小水。由銅廠來。合流入之。又西百千里。至金頂寺。右納齊爾哈朗河。又西流。納闡里沁河。烏哈爾里克河。阿里瑪圖河。九十里。至惠遠城南。又西流二百里。至塔爾根城。有霍爾果斯河。自北來入之。此外尚有奎屯河。策集河。薩瑪爾河。及山溝小溪。多道。俱自北而南。足以溉田。又西百餘里。有察林河。自西南來。會察林河亦發源鉛廠諸山與特克斯上源甚近左右峽數十道合而西流二百里折東北二百四十里至察林渡口入於伊犁河西洋。從此西北流入哈薩克左部。色密爾志千有餘里。圖亦名特克斯河。從此西北流入哈薩克左部。遷司科

匯於騰吉斯海。即古夷播海一名巴勒哈什泊。由伊犁西北至塔爾巴哈台界。沿邊設卡倫八處。卡倫以外。哈薩克游牧。又由伊犁東北七百餘里。至哈布塔海。沁達蘭一帶。設大小卡倫二十三處。察哈爾領隊大臣專轄。又迤西而南。尾至伊犁河北岸。設大小卡倫八處。索倫領隊大臣專轄。渡河南岸。迤西設大小卡倫十六處。錫伯領隊大臣專轄。卡倫以外。俱哈薩克游牧。自此轉南而東。設大小卡倫十七處。額魯特領隊大臣專轄。卡倫以外。西北係哈薩克游牧。西南係布魯特游牧。又厄魯特屯牧東南。設卡倫八處。界連喀喇沙爾之土爾扈特和碩特等旗。亦額魯特領隊大臣轄之。至於伊犁城北

塔勒奇一帶。及伊犁河渡口。設有卡倫七處。專為貿易。哈薩克並稽察逃人而設。惠甯城領隊大臣轄之。夫近邊之哈薩克布魯特。俱投設內附。確遵約束。與編氓無異。故我朝一視同仁。每遇冬季大雪。准其暫入卡倫以內住牧。彼此相安日久。無所猜忌。今既歸於俄羅斯。則不得不明定疆界。以示限制。康雍二朝。屢遣使臣與俄人立碑定界。繪圖帖說。至再至三。誠慮之深且遠。非若外藩諸邦之比。維屏維翰。輔車相依者也。我中國與俄羅斯連界。由西及東。萬里而盈。迤西以葱嶺為界。迤北以大興安嶺為界。迤東以黑龍江為界。此天生畛域。以限中外者耳。惟西路之伊犁。與海東之琿春二處。犬牙交錯。無高山大川以隔之。所宜設關置卡。以示臣民有所遵守焉。我朝與俄羅斯聯和二百餘年。未嘗啟衅。然黑龍江外之地。則潛移其碑以侵佔。伊犁則乘隙竊踞。此皆別國所無之事。又海上之役。則與英法朋比。西陲之事。則與逆回結連。其曲直固不待辨而明矣。古者兩國邊城。必屯重兵。或用詐力以襲取。彼此視為仇敵。禁絕往來。今時萬國公法。友睦通商。聘問不絕。無睽隔之情。萬一構難。亦必明宣戰期。以從事。故伊犁收復之後。不必添設多兵。轉餉勞費。所願兩國誠信交孚。不渝盟約。以長享昇平之福。豈不懿與。

嶺北五部

史記匈奴傳冒頓單于北服渾廆

魏畧作渾窳

屈射丁零高昆魏略作融昆

薪梨之國。注正義曰。以上五國在匈奴之北。按此五國即元時嶺北五部也。高昆疑為堅昆之訛。

又郅支單于北擊烏揭降其兵。西破堅昆。北降丁零。遂徙居之。

漢書蘄武傳匈奴徙武北海無人處。使牧羝。武既至海上。廩食

不至。掘野鼠取草實而食之。杖漢節牧羊。單于弟子軒王戈射海

上。王死後。人眾徙去。丁零盜武牛羊。武後窮厄。匈奴使李陵說之。

終不降。按北海即麥嘉湖。一作拜哈爾湖。南為楚庫相興。湖北

為義爾古德司科。一作厄爾庫唐書地理志骨利幹都播二部北有小海。

冰堅時馬行八日可渡。異域錄云去喀爾喀之北界千餘里。有巨

澤曰白哈湖。亦曰北海。東西長千餘里。南北廣二百里許。四面皆

色楞格河自西南流入。昂可刺河自西北流出。其從東流入者。別

有一水。亦名昂可刺河。湖中有洲曰鄂遼漢。近東北偏。廣五十餘

餘里。長二百里。上有山岡多野獸。水多魚。蒙古五餘戶游牧於此。

唐書黠戛斯古堅昆國也。當伊吾之西。焉耆之北。青山之旁。或曰

居勿。或曰結骨。其種雜。丁令乃匈奴西鄙也。匈奴封漢降將李陵

為右賢王。衛律為丁令王。後郅支單于破堅昆。是東距單于庭七

千里。南車師五千里。郅支留都之。後世得其地者。訛為結骨。又號

紇骨亦曰紇圻斯云。直回紇西北三千里。南依貪漫山。地夏沮洳。冬積雪。人皆長大。赤髮皙面綠睛。堅昆狀貌與今歐洲人相同所謂額力西種也。以黑髮為不祥。黑瞳者必曰陵苗裔也。男少女多。俗趨伉。氣多寒。其君曰熱。遂姓阿熱氏。駐牙青山。至回鶻牙所。橐駝四十日行。回鶻舊牙在即今土拉河西流轉北曲處也。去和林東北千里許。回鶻牙北六里得仙娥河。即色楞格河。河東北曰雪山。地多水泉。青山之東有水曰劍河。即謙偶艇以渡。水悉東北流。經其國。合而北入于海。貞觀二十二年入朝。以其地置堅府。隸燕然都護。乾元中為回紇所破。後語訛為黠戛斯。蓋回紇謂之若曰黃赤面云。

唐書骨利幹處瀚海北。多百合產良馬。其地北距海。去京師最遠。又北渡海。則晝長夜短。日入烹羊脾熟。東方已明。太宗時入朝。以其地為元闕州。其大酋獻馬。帝取其異者。號十驥。龍朔中以元闕州更為余吾州。隸瀚海都督府。按唐時黠戛斯種人內附。徙于漠南。故置堅昆府。隸燕然都護。骨利幹種人徙于余吾州。即伊吾之地。元以後遂稱畏吾兒。此二國皆非嶺北故域也。史元時地理志吉里吉思南去大都萬有餘里。其境長一千四百里。廣半之。謙河經其中。西北流。又西南有水曰鄂普。一日尙比。一日尙被。東北有水曰玉舒。一作玉頰。即葉尼賽之轉音。皆巨浸也。會于謙而注于昂可刺河。謙

為葉尼賽之別源昂可刺則下流之異名也鄂普河源流各別不與謙會以北入于海俗與諸國異土產名馬白黑海青。

昂可刺河者因水為名附庸於吉里吉思去大都二萬五千餘里即唐史所載骨利幹國也。按此國北境直抵北極冰洋以半年為晝夜然去吉里吉思亦不過五六千里之遙。

謙州亦以河為名去大都九千里在吉里吉思東南謙河西南謙河環繞其南唐麓嶺之北西北三面。

撼合納猶言布囊也蓋口小腹巨地形類此因以為名在烏斯東東為南東為南謙河之源所從出也其境土惟有二山口可以出入山木之訛。

林樾險阻頗甚。按吉里吉思即黠戛斯之轉音古之堅昆今為俄羅斯東藩多木司科烏斯昂可刺二部即唐之骨利幹今為葉

尼賽司科一作伊聶謝又曰芸蓋士謙州之名則至今未改在麥嘉湖之西北。

謙州河之東南即丁零故域也此外又有益蘭州在麥嘉湖之南屬

楚庫柏興至元七年遣劉好禮為嶺北諸路部斷事官治益蘭州修庫廩置傳舍招陶冶工匠鑄器造舟楫海都執好禮歸謙州脫走

逾雪莪嶺出缺壁山間道南行數日至南海始遇戍兵得歸其地

值庫倫正北為俄商往來貿易孔道由恰克圖以入口。

撼合納即今烏梁海之地在唐努嶺之北四山色裹縱橫二千餘里。

惟西北一口。所謂形如布囊也。山麓之間。大小十餘泊。左右二十數溪。衆流交匯。為伊克穆河。西流轉北。從山峽流出。撼合納境入謙州境。古謂之劍水。劍與謙譯音相近也。謙河自南而北。撼合納既為河源所從出。則當在烏斯之南。不得在其東矣。謙河又西北流。經雪音司垓。北洛司心。押巴根。三相興。轉東北流。經謙州西境。而北與昂可刺相會。謙州幅員南北三千餘里。東西二十餘里。今日卡馬青市司。西界多木司科。東界義爾古德。南界烏梁海。北界葉尼賽。葉尼賽司科在謙河西北。即烏斯部也。嶺北之地。元初屬乃曼蔑二國。太祖滅之。以封海都篤哇。昔里吉

諸王。世祖即位。西北諸王多有叛者。海都尤特其險。士馬精強。屢

次踰金山。寇杭海。以窺和林。云諸王海都營在阿力麻里等處。蓋其始封之地。元地理志在金山左右。今塔爾巴哈

台伊犁一帶也。至元五年。海都叛。舉兵南來。世祖親征。逆敗之於

北庭。追至阿力麻里。則又遠遁二十里。玉哇失與戰於撒刺思河在碎葉千泉之西。上令勿

追。詔丞相安童佐皇子北平王南木合統諸軍於阿里麻力以鎮

之。十四年七月。諸王昔里吉與脫脫木兒。篋木忽兒。撒里蛮等。劫

北平王。械繫安童。脅宗王以叛。欲與札刺忽通好于海都。海都不

從。詔伯顏帥師討之。撒里蛮旋悔。執昔里吉等。北平遣札刺忽以

聞。兀留北邊七年。二十一年三月。王始歸。丞相安童繼至。土土哈

傳云。二十二年海都犯金山。詔與大將朶懷朶兒共禦之。二十六年從皇子晉王征海都。抵抗海嶺。諸軍失利。土土哈翼晉王以出。詔進伯顏金紫光祿大夫。知樞密院事。出鎮和林。二十九年秋。畧地金山。獲海都之戶三千餘。還至和林。詔進取吉里吉思。三十年春。師至謙河水。行數日。乃至其境。收其部衆。海都引兵至謙河。復敗之。又床兀兒之子土土哈傳云。大德元年。襲父職。帥師踰金山。攻八鄰地。與海都將孛伯軍遇。渡河。蹙之。孛伯僅以身免。二年。北邊諸王篤哇。徹徹禿等。襲火兒哈禿之地。敵據高山。選勇而善射者擊之。盡覆其軍。三年。武宗領軍朔方。四年。叛王禿苦麥。幹魯思等。犯

邊。床兀兒迎敵于濶別列。即科之地。布多科之地。未陣薄之。敵不支。追之。踰金山。乃還。五年。海都兵越金山南。戰于鉄堅古。一作迭怯里古。即今布薩泊之東北之地。越日。又戰于合刺谷之地。大敗之。海都不得志。旋死。復與篤哇相持于兀兒禿之地。床兀兒以精銳馳擊篤哇之兵。幾盡。九年。篤哇察八兒。海都之子。相聚謀曰。前與土土哈戰不勝。今與其子戰。又無功。不若遣使請命。通一家之好。使至。帝許之。于是罷兵入朝。特為置議。驛。十年。命武宗統軍。踰按台山。即阿爾泰山。追叛王幹魯思。獲其孥。八月。至也兒的失地。即額爾齊思河。受諸王降。海都子察八兒逃于都瓦部。即篤哇。俘其家屬。駐兵于按台山。降王禿苦麥。復叛。與

戰敗之北邊悉平。

諸王表昔里吉有子兀魯思不花疑即幹魯思也。

按地圖科布多西北二面群峯環繞其迤北一幹東連唐努嶺直接興安大嶺者為古之金山乃匈奴北境與堅昆丁零二國分界其迤西一幹南趨瀚海者為按台山乃匈奴西境與烏孫分界海都分地在按台之西戰敗之後乃徙嶺北忽叛忽降昔吉里之分地即吉里吉思部也其劫北平王數道入寇轉戰杭海按台之間迨昔里吉既死海都復與其子幹魯思及篤哇禿苦麥等合兵屢次寇金山窺伺和林和林為根本之地特遣皇子重臣鎮之或戰謙州或戰撒刺思忽東忽西出沒無常縱橫數千里蹂躪殆遍觀

馬紹傳言漠北民避亂南徙者七十餘萬則其震蕩侵軼之勢可知矣。雖以開國之初師武臣力然嶺北五部不奉正朔者垂五十年。元史諸傳地名人名往往混淆。或一地而彼此殊稱。或一人而前後互異。蓋作史者華人不諳蒙古譯語參差歧誤最易眯目。西北諸王其分封疆域支派世次難以悉考矣。

悉畢里阿

海國圖志悉畢里阿在亞細亞洲之東北隅。俄羅斯藩屬也。東界太平洋。西界烏拉嶺。亞細亞與歐羅巴。即以此嶺分界。中有一路。可通馬實兩洲之關鍵。北抵冰洋。南以阿爾泰山為界。此以金山統稱阿爾泰山起處。距烏拉嶺不遠。自西徂東。直抵海岸。最高之峯二千丈。有出火焰者。山北為悉畢里阿。其地舊為韃韃里游牧之所。額力西羅馬亦有人往焉。唐書所謂堅昆狀貌亦生齒日暮。髮綠睛即額力西種也。分族類。立頭目。其哈薩克左右之地。毘連悉畢里阿者。為韃韃凝匿土王。津噶爾之汗名。陰遣人偵探悉畢里阿形勢。欲越阿爾泰山而取

山北地。路險崎嶇。不果。迨明末。有俄羅斯之商人。至其地貿易。日漸繁盛。交結頭目。盛誇俄國富庶。各頭目惑之。間有率屬至俄羅斯者。覩其國都市。廛宮殿之壯麗。傾心歸向。歲貢方物。為藩屬。俄人遂於近海之烏彌河口。即阿比河港口。近北極冰洋。在烏拉嶺東地名梭布司基。南去托波兒二千餘里。建礮臺。扼要害。不勞一兵一矢。而悉畢里阿全境。悉為俄人羅斯所有。悉畢里阿本其西境一部之名。亦曰西伯林。在伊什木額爾齊斯兩河之間。今為哈薩克游牧之地。俄人開拓東藩。遂因其名。而統稱全境。然地曠人稀。乃取國中罪人。謫戍於此。及至宜萬。汪爾西二王時。將附近國都之韃韃里。驅之出境。旋得敦戈薩司。此部在黑海亞速之戰士。用為前驅。恢復舊疆。欲盡逐韃韃之人。灣之東北隅。

韃韃有豪酋耶爾麻不服。領部衆六千餘。東據悉畢里阿。此即西境之

西伯林部欲自立國。而力不敵。仍臣服于俄。耶爾麻旋為其部下所殺。

於是俄王復移駐防阿林墨之兵。闢地至葉尼賽河。其居民曰倘

我斯族。土沃馴良。大兵肅至。甫爭貢皮毳。復沿昂可刺河而上。幾至

雅克薩。在黑龍江北岸其居民曰模鴈斯族。即索倫猛悍異常。俄人憚于前

進。改沿勒那河左而行。崎嶇冰雪。一片荒曠。惟產貂狐最良。既而

敦戈薩司之兵。能耐寒苦。經畧其地。五十餘年。至千六百三十九

年。崇德四年復增兵前往昂可刺河。以至麥嘉湖左右之地。無不征服。此

康熙初年俄人侵擾黑龍江。索倫之事。由彼迳抵黑龍江。適遇滿洲兵至。與之交鋒。

俄人敗歸山後。故瀕江荒地。仍屬滿洲。後即以此為界。俄人自此

固守邊疆。撫其所得之地。較之當日亞歷山達王。西沙尔王時。幅

員增廣。不啻倍蓰。由是欲窮東界所極。屢募英荷諸國商人。操舟

往訪。又令雅古德之官。遍考史傳。亦無記載。至千七百年。康熙三十九年

取得甘查甲。其地斗出東北大洋。風土迥異。別有天地。其東迤南。

即日本所屬之薩雅蓮島。耶梭島。並得美利堅洲小隅之地。報至

國都。而比達額列王已逝。其女加特林嗣位。繼述父志。復遣官一

士般麻。一芝利果。一墨領。携熟諳天文地理之特里斯列。乘船東

邁。一無所獲。千七百二十八年。雍正六年墨領復至東隅。僅考明亞細

亞與美利堅中隔一峽。雖不相連。而相距不甚遠。遂以已名而名之。曰墨領峽。從茲不復遣使矣。按悉畢里阿分為東西二部。西以多木司科為都會。東以雅古德為重鎮。廣興文學。以化邊鄙。聲名文物。日進于舊。然因地制宜。與俄羅斯本國法度稍異。且距都城遙遠。凡在悉畢里阿之加彌葉貴官名。每自擅專。不為百姓所服。幸當日甫得其地。即將本國之人。分徙僑居。尚知王化。主客相維。故至今無敢背叛。又用敷戈薩司之兵。世鎮其地。派守各口。礮台。其甘查甲部。地處極邊。屯兵尤衆。西南隅近哈薩克者。皆奉回教。東北隅近蒙古者。皆奉黃教。東西荒遠。北境嚴寒。或行數日無人烟。

河道紆曲。荏苒出沒。貿易跋涉。艱難無匹。徒以產豐利厚。故商旅不絕。冒險爭趨。甘查甲物產亦富。運至雅古德。征税甚輕。惟恰克圖一口。為俄與中國互市之所。

魏源俄羅斯盟聘記云。初俄羅斯東邊接黑龍江者。以外興安嶺為界。當明末年。我大清方定黑龍江。索倫達瑚拉。及使犬使鹿各部。東北際海。而俄羅斯東部曰羅刹者。按俄羅斯本名羅斯耳。俄者乃洋文字之發音也。故國初譯作羅刹。或作羅車。非有異也。亦踰外興安嶺。侵逼黑龍江北岸之雅克薩。尼布楚二地。樹木城居之。兩師相值。各罷兵。既又南侵。掠布拉特烏梁海。奪四佐領。崇德四年。大兵再定黑龍江。毀其木城。歸而未

及戍守也。兵退而羅刹復城之。順治十一年遣兵於黑龍江逐之。十五年調高麗兵逐之。又數遣大臣督兵以餉不繼半途返。順治十二年十七年俄羅斯兩附貿易商人至京。奏書絕不及邊界事。康熙十五年貿易商人尼果賚等至。聖祖召見之。貽察罕汗書。令約束羅刹毋寇邊。久之未答也。而羅刹復東畧人畜於赫哲費雅哈地。數我逋逃。阻我索倫貂貢。將割據黑龍江東北數千里。甌脫地。上以其寇逯留都。不可滋蔓。又重開邊釁。乃于二十一年遣都統彭春等以兵獵黑龍江。經薄其郭偵形勢於墨爾根及齊齊哈爾。各築城戍之。置十驛通水運。又令喀爾喀車臣汗斷其貿

易。令戍兵刈其田稼以困之。二十四年四月官兵乘冰解水陸並進。克其城。縱其人歸雅庫舊部。二十五年正月羅刹復以火器來據城。我師圍攻之。死守不去。時荷蘭貢使在都。稱與俄羅斯鄰。乃

賜書附荷蘭轉達其汗。時察罕汗已卒。新察罕汗嗣位。俄國自三十四年以前俱稱為馬司戈侯爵。至前明嘉靖時宜萬第四在位。始稱曰察罕汗。譯言王爵也。至康熙二十一年彼得羅即位。奮發有為。國勢大振。始稱曰思伯拉。譯言大皇也。知中國東方距已遼遠。且限以行國。非若西北之西費雅。西南之圖里雅。近在肘腋。所必爭也。海道往還迅速。九月復書。即至。言中國前屢賜書。本國無能通解者。今已知邊人構釁之罪。即遣使臣詣邊定界。請先釋雅克薩之圍。明年使由

北方陸路至喀尔喀土謝圖汗境。文移往復。二十八年十二月。始與我大臣索額圖等。會議于黑龍江。一循烏倫穆河上游之大興安嶺。以至于海。凡山南流入黑龍江之溪河。盡屬中國。山北溪河。盡屬俄羅斯。一循流入黑龍江之額爾呼納河為界。南岸盡屬中國。北岸屬俄羅斯。乃歸我雅克薩尼布楚。定市于庫倫。而立石勒會議七條。滿漢拉提諾蒙古俄羅斯五體文于黑龍江西岸。于是東北數千里化外不毛之地。盡隸版圖。雍正五年。其使臣薩瓦復與我喀尔喀親王策凌議。喀尔喀北界自楚庫河以西。沿布尔穀特山。博穆沙嶺。為兩邊境。而定市于恰克圖。議定陣兵鳴礮。謝天。

立誓恰克圖。迤東為車臣汗部。十四卡倫。地稍平行。迤西則高山密嶺。林中通峽溝。即色楞格河東岸。綿亘至庫倫八百餘里。天然險隘也。方準噶爾強時。曾以兵窺俄境。由額爾古城深入六百里。不見一人。疑俄羅斯設伏誘已。遂遁還。

龔之鑰後出塞錄。自黑龍江西行三千五百餘里。至圖拉必喇。已在歸化城之正北。再踰一嶺。往北數十里。為苦另山。即庫山甚峻。上有番僧奉大佛寺。即哲布尊丹。巴刺嘛寺。及諸商賈俱集於此。下苦另山。即俄羅斯境。一望皆坦途。且有池塘溪港。大小舟航。絡繹其間。芳草長堤。桃李掩映。宛然中華風致。非復黃沙白草之地也。

松筠綏服紀畧云。恰克圖為喀爾喀四部適中之地。迤東二十八卡倫。土謝圖車臣兩部設迤西十九卡倫。扎薩克圖三音諾顏二部設。商民於此建立木城。俗稱買賣城俄羅斯亦於對面建設市圈。萬貨雲屯。居然一都會也。欽差大臣駐劄庫倫以控制之。庫倫蒙古語城圈也。地有哲布尊丹巴胡土克圖所駐之木柵如城。故名。距恰克圖八百里。有奇。庫倫南十餘里有山曰汗阿林。綿亘高聳。草樹如畫。恰克圖迤東。車臣汗部屬十四卡倫。沙甸平坦。迤西多山。林木蒨鬱。往來以色楞格河為要津。連岡而東。迤南至衮圖達霸罕。其間峽溝叢樹。阨隘天成。足資控禦也。雍正五年。派大臣察畢那。特古忒。圖麗琛三人。前往勘定。設卡倫五十九所。極東十二卡倫。就近屬黑龍江將軍統轄。輪派索倫兵守迤西四十七卡倫。以喀爾喀四部屬下蒙古。按游牧遠近。每卡倫設章京一員。率兵携眷駐守。俄羅斯於對面一體安設。兩界適中隙地。蒙古語曰薩布薩布處所。皆立鄂博。間遇叢林。鄂博難立。即削大樹。槩識。先是民夷交市無定所。疆界既正。相度得恰克圖地。設立市集。派理藩院司員三年一換。駐劄總理。此開闢通市之始也。

一統志阿爾泰山

元史作按台又作兀兒禿

在特思河西北綿亘二千餘里。高

入霄漢。盛夏積雪不消。為西北諸山之祖。其頂在烏布薩泊西北。

支峯蔓壑分為四枝。正北一支隨額爾齊思河以北至哈薩克左部。其東北繞特思河之北千里。東為唐努山。一枝又東北接杭管山之陰。北至色楞格河。其南百餘里。向東一枝為烏蘭郭馬山。繞奇勒稽思泊之北。又東南為白勒奇那克科克依山。又東為昂奇山。空格衣河出其南麓。烏海河出其東北麓。又北為馬喇噶山。布勒噶蘓台河出其東麓。又東北為山喀喇河。諸水出其南麓。又東北接杭管山之陽。包哈瑞塔米爾河諸水。其一枝蜿蜒不斷。納憐河呼勒泰河。哈流圖河。思克河。布勒濟河。哈巴河。奇蘭河。喀喇額勒齊思河。俱出其西麓。哈勒奇薩河。阿普都河。其東麓山勢旋折而東。布顏圖河出其北麓。布拉青吉兒河。扎克台河。出其南麓。又東為阿爾泰山之尾。又東南為台西爾山。又東南復分二山。如黑雲二道。界瀚海中。其東為庫克西勒克山。又東北接巴顏山。其南枝為都忒嶺。布帶山。圖古克河出其西麓。又東南為布勒堪山。空鄂洛阿濟爾罕山。層峯不斷。千餘里。橫截沙漠。為阿爾班阿岳爾達察嶺。又東南為古爾板賽汗山。其南為諾默渾山。其東南為五百根山。至空可喀喇龍山而止。自空鄂洛阿濟爾罕山南下為奇齊格納山。拜轟鄂爾山。查喇圖山。至伊塔特圖山而止。其南八十里。天山自西方來。亦蜿蜒而東南。橫亘沙漠中。千餘里。為活兒活圖

山至色公哈兒占山而止。色公哈兒占山北去空可喀喇龍山二百餘里。南踰瀚海至套北陰山五百里。

又云唐努烏梁海部凡五旗。定邊左副將軍所轄烏梁海二十五佐領。二在德勒格爾河東岸。東與土謝圖汗部右翼右末次旗接。南與三音諾顏部中末旗接。二在庫蘇古爾泊東北。四當貝克穆河折西流處。三當謨和爾阿拉河源。四當噶哈爾河源。俱北與俄羅斯為界。在西北跨阿勒坦河。阿穆哈河亦與俄羅斯為界。札薩克圖汗部所屬烏梁海五佐領。一在庫蘇古爾泊北。一在德勒格爾河西岸。南與札薩克圖汗部中左翼左旗接。一北臨貝克穆河。

西與南俱臨華克穆河。一在謨什克河西。一當札庫爾河源。三音諾顏部所屬烏梁海十三佐領。俱南依鄂爾鄂汗山。西與科布多阿勒坦烏梁海二旗接。北與俄羅斯為界。哲布尊丹巴胡土克圖所屬烏梁海三佐領。在陶托泊北。西臨華克穆河。北與俄羅斯為界。愚按烏布薩泊之東北。特思河上源。有近吉思克卡倫。即元史所稱鉄堅古也。怯里古迭為四達之衝。自此北行。踰金山。渡克穆齊河。為通馬都收司科之路。自此西行。繞烏布薩泊之北。又西踰按台山。經哈屯河。為通多木司科額爾齊思等處之路。其西南通科布多之路。東南通烏里雅蘇台之路。東北通恰克圖之路也。元

時海都昔里吉諸王之叛。或由北路入寇。則從謙州經撼合納。鳥梁海而南。踰金山。與官軍戰於鉄堅古之地。或由西路入寇。則按台山。而東經濶別列。即科布多。至杭海山。以窺和林也。又考烏里雅蘇台。元初封鎮海公於此。一曰稱海。置五河屯田。亦西北重鎮也。

越南北圻十三省 四十九府 五十三州 百七十五縣

河內省號為東京本安南國舊都陳黎莫氏皆居之漢為交趾郡

唐為安南都護府一名給卓今河內省轄四府十六縣又稱山南

上鎮 奉天 應天 昌平 泣仁

北甯省 京北道 轄四府二十縣 北河 諒江 慈山

海陽省轄四府十八縣 上洪 下洪 南策 荆門

興安府轄五縣原屬安邦道海東府

廣安省即安邦道轄一府三州四縣

諒山省轄一府七州

高平省轄一府四州

太原省轄二府七州八縣 太原 通化

宣光省古貉龍地轄一府五州一縣 宣化

山西省轄六府廿四縣 三帶 端雄 臨洮 歸化 安西 沱江

興化省古文郎地轄四府四縣廿一州 興化 天關 廣威

清華省本漢九真郡唐為愛州明末黎氏徙居於此改稱清都鎮

又改天昌府併九真愛州為京畿三輔自是始以清華為西都昇

龍為東都。清華內外二道古合為一今以清外為甯平省道轄

二府甯平六縣清內為清華省轄四府三州十六縣紹天河中

南定省山南下鎮轄五府廿一縣長安天長廣東

又安省轄九府三州廿五縣濱州北平肇平清都德先

中國入交趾之道三一由廣東一由廣西一由雲南由廣東則用

水軍伏波以來皆行之廣西道則宋行之雲南道元時始開

廣西之道亦分為三從太平府甕祥土州入者為中道出鎮南關

歷文淵州之波壘驛又經脫朗州北一日至諒山省又一日至溫

州之北險徑半日至鬼門關又一日至温州之南新麗村一日至

保祿縣半日至昌江又一日至安越縣南市橋江下流北岸一由

太平府思陵土州入者為東道出辦強隘一日至祿平州州西有

路一日半至諒山若從東行過車里江此江永樂中黎氏堰之以

拒明師後偵知其堰處乃決之以濟師一日半至安博州又一日

半過耗軍洞山路險惡又一日至鳳眼縣又分二道右道則入諒

山左道一日至保祿亦渡昌江至南市橋江北岸各與前道會其

自龍州入者為西道出而隘一日至七淵州二日至文瀾平茄社

又分為二道。一道從文瀾州經右隴縣之北。經鬼門關平地四十里。渡昌江上源。繞右隴縣之南。沿江岸而下。一日至安世縣平地。數十里。至安勇縣。又一日至安越縣之中市橋。一道從平茄社西。一日半經武岩州山徑。二日至司農縣平地。又一日半進至安越縣之北市橋。江上流北岸。市橋江在安越縣境中。昌江之南。為諸路總匯之處。隨處皆可濟師。南行一日至慈山府。又東行過嘉林縣。渡江入交州。即東京河內省也。

自小鎮安廳迤邐東南。至遷隆崗巡檢。沿邊一千八百餘里。與越南毘連。除三大道之外。其餘山徑小路。共有一百六十餘處。向來設有隘卡防守。今皆廢弛。

雲南入越九數道。由廣南之剥隘百色等處。出小鎮安廳踰昭陽關。至廣源通化。屬太原九七日。由廣南之者賴出郎海。至保樂州。九五日。保樂今為永奠底定二縣。路較平坦。自普梅汎歷馬邦山而南。出娘哈關。至宣光省。七日。至太原省。十日。崇山峻嶺。道險難行。此廣南三道也。開化則自交趾汎出南丁寨。至宣光九五日。路險難行。自馬白汎出河陽永綏。至宣光亦五日。路較平。可容騎馱。為商旅大道。由八寨古林箐出川東寨。至保勝九四日程。自高趨下。不甚險。此開化三道也。蒙自亦分數道。其東道則由竜古塘而南。會

開化古林箐之路。其中道則由蓮花灘而下。以水路為便。至河口。汎循河底江左岸而行。至宣光四日。其西道則自猛烈橋梧等處。出程瀾洞。循汎江左岸。進廣威天關。至興化省。凡八九日。路多荒僻。循汎江右岸。經水尾文盤。夏華清波。出山西路。稍平。凡二十餘日。可抵三帶府。此蒙自三道也。

廣東海道自廉州烏雷山發舟。北風順利。一二日可至交之海東。府若沿海岸而行。則烏雷山一日。至永安州。白龍尾二日。至玉門山。又一日。至萬甯州。又一日。至廟山。又一日。至屯山。又一日。至海東縣。二日。至徑熟。社有石隄。陳氏所築。以禦元兵者。又一日。至白藤。

海口徑天遼。至安陽海口。又南至塗山海口。又南至多漁海口。各有支港。以入河內省。自白藤口而入。則經水棠。東湖二縣。至海陽府。復經至靈縣。過黃涇。平灘等江。其自安陽口而入者。則經安陽縣。至荆門府。亦至黃涇等江。由南上洪之北境。以入其自塗山口而入者。則由古齊。歷古陽。經安老縣之北。至平河縣。經南策。上洪之南境。以入其自多漁口入者。則由安老。新民二縣。至四歧。溯洪江。至快州。經鹹子。閔由富民江。以入。此舊時帆船之路也。若今時輪船。則由廣東香港起程。經瓊島之南。三日。即至東京海防矣。

河內至富春路程

自河內之文亭起程經海陽省之東上站邯上社至東俸站厚俸社又至興安府之興舍站安舍站又南入定省城南潢站歷隊南站同隊社又至甯平省過城邊之甯多站多枚社城內亦可宿另有一道由河洞河富河瑞河安河忠至甯平省城亦是六站計程七千一百七十三尋四十八里所謂首六站也以下單列以便觀覽馬 甯平抹林 湊駛 館巴眈 抹安 幣締可宿 館枚 館琮 篤艷甯遊站古迄社屬安護 自此至屯嗚土石交錯林莽叢雜常有匪人截劫者由甯平至此七千二百九十三尋四十八里

館糶 黠拜丞 殿槐甯平 三疊山中山最高 為清華甯平之界

山連神符海口有碧桃洞不可暮行 魯笏 崇珍祠奉柳杏聖

母云係前世國王之女成仙者 館梳 屯嗚嗚山社清 貢渠光

明社此處可望見嘉苗殿 清和站號宮渠有館舍有渡接大連

津右對冠來寺 豁蜡 涼猫原館韓 擺場自此至館規林莽

叢生多匪人 館幣庫 清舍站號宮囂今為靜嘉府治由館糶

至此八千八百四十尋五十里路少居民多匪人 厨豁本名 館

囂 館規 土山屯多沙礫 抹茶 館土為 聖母祠殿前有

江蜿蜒如 清科站號宮科可宿自厨豁至此八千八百零四尋

五館同和有山名更仙 屯黓襟屯館清華巡守吐瓊兩山對峙中

有狹路由此至館枚多匪人冷水溪清華又安西省水最毒多猛獸

幣黃梅有渡岸椿地皆赤土山多松 安瓊站瓊花社屬瓊瑤縣

號宮坦赤祝自館同和至此一萬零二百八十一尋八館回 幣

瓢兒厚社有市可宿村旁有二山堪輿家謂平地樓臺還朝科官

有路通蔡州七總下乾海口為高賈往來之區 挾戛館炳黃莊

社 館旅 館梳 安壘站有舊壘明人屯兵於此故名號宮齋

屬東城縣自館回至此六千一百七十四尋四里仙里渡土名渡蓬仙

里屯今演州府治 館蠅沙洲多蚌殼故名有市 白龍岡 黓

壬山脚林莽叢雜 安香站安靄社號宮壬自仙里渡至此七千

一百七十尋八自此至崧鉄俱行山脚多匪人 殿鳩有祠祀蠻

神涇陽王旁祀女神名媚珠土人事之甚恭山多孔雀人不敢犯

自此至挾禁雨後泥淖難行崧鉄一溪黑水唐高駢為都護時所

鑿多鉄山故水黑甚毒天威港相傳震雷遂開而為港故名 核

柳堆 渡求禁巖社為興元縣治江面濶五十三尋地多毒草

聖母祠署黃社 尚頭橋有土山形似象首故名 安溪站金溪

社號宮楫可宿自殿鳩至此七千八百一十五尋五自此至宮決

皆平坦 館行 殿會過此有市 館蓮金元雲屯社可宿前有

二路一達入安一達勇決 入安省城號鎮泳城邊有九曲江舟
一日夜可至河靜省渡戶水路遲不若陸路之速 安決站安決
社號宮決近連省城可宿自館行至此九千三百三十尋^六渡瀝
有橫渡亦有直渡可達渡制陸路亦便江南面有鳳皇山九十九
峯屬宜春縣境山有寺又有石床相傳仙人在此得道飛昇 帑
齋 帑制 渡制三制社 壩棹 靜遼站號宮僚入安河靜交
界自渡瀝至此五千九百八十九尋^四黎灝有國時循吏御史韓
擒虎善決獄築石堰利農有祠祀之在度遼社 帑遼地產茶
館棟 研江渡爪牙社屬清河府石河縣可宿 帑研此處吳姓

是其望族 渡茄來盤社 館巴江扶越社有二庸 靜丹站丹
制社號宮巴江自帑遼至此九千二百四十尋^六帑耕玉田社善
造酒 我蜀附近河靜省 大奈屯號宮禁值有城可宿 河靜
省 大奈渡過此即奇英縣 館庫 靜溪站石溪社號宮那地
多溪澗自帑耕至此九千九百六十九尋零二尺^六館會雲峯社
可宿 渡戶 館鳳皇有市落川渡即渡館格 高洛 館下此處
岡隴沙磧甚遠甚寂 宮搗路在山脚多林莽 館篤 靜樂站
有樂社號宮搗為黎氏飼象之所象廐猶存自館會至此九千九
百六十一尋^六館下下館社可宿有海郡公祠 館鑄 殿嘲有

祠祀黎氏舊臣虎威大將武石盤以為福神土人事之甚謹 幣
嘲遇雪不可行 靜沙站濕沙社號宮營黎氏時有兵屯守故名
今為河英府治可宿自館下至此九千六百七十四尋六十自此以
前路多山洞藏匪人 天擒山明兵擒胡季犛於此故名 智水
溪清淺可涉 石盤溪號館石砢以下無宿處 鹹水溪橋 火號
館 黎阮二氏相拒登山舉火為號故名地多猛獸毒藥 幣貢
擲狀元祠神投社黎氏時黎廣飭黎廣意兄弟二人皆中狀元有
祠祀之 靜神站神投社自天擒山至此九千六百七十四尋六十
里四自此至橫山多毒草林莽惡獸毒虫山洞澗水湍急 館斃刀

有兵屯守過者須投遞呈狀地連海岸 橫山號宮昂自梁山至

此重山疊嶂橫當門海其高山南七百七十三級山北七百九十一

級舍此別無路至國都其國之一險要也自河內至橫山約計八百五十里 聖母祠

在山南之下祀柳杏公主 館泳永山社道左是海口右沿山行

多峻阪小溪 湊厨在海旁有山有寺 廣祿站天祿社號宮游

可宿自館斃刀至此九千一百六十四尋六十幣游屬布政州山

澗陡絕樹多石險海潮聲如雷有市為南北交會之區多烏魚海

蝦 館庵 景陽渡號渡游 幣巴屯 渡瀧葦水面廣二百八

十三尋外通海門凡芴稍起波浪驚人其國以為天限南北之境

臨晨波平方可渡自此以南婦女衣皆純白其幘以小帶束之垂於背後以為飾 廣溪站蒲溪社號宮隴箏自帶游至此七千零四十尋四十里路多沙過江底驛沿海岸沙中行 壩戩 砮記海門大小石環立春日水漲移行山上山高石險難行 里和館近市婦女以椰油塗面為飾多商賈頗繁富可宿 里和橋長一百洞高八十六級廣泉驛蒲溪社號宮迄有市地多白沙自壩戩至此七千八百六十二尋五十里帶迄安老社可宿過此二里以前至館箠路多險峻難行 福祿江清淺可涉 帶營坵止安市附近多嘉苗外莊國王之私莊也可宿 館棟館核椰 館壩二處皆

無宿處 壘柴扶舍社黎氏臣昭武侯所築上有兜鑿山下至日麗海門以為防守之所 廣甯驛鎮甯社號宮同海自帶迄至此七千八百六十尋五十里廣平關號宮同戲過關俱遠呈詞驗文憑有兵屯守與廣平省城相連砌石為城自此至海門一帶盡是沙堆直接兜鑿山 廣平省城長板橋自廣平關至同海江有兩長橋抵錫羅社 椰侯渡延安社此江甚濶中有砂洲多蛤蚌壳有祠國人奉之甚謹 帶武舍屬麗水縣境有市至館吉一路皆白沙難行 帶營邇黎氏屯兵於此號十奇屯 館墀槐有市可宿 廣舍驛石舍社多沙難行自廣平關至此八千九百二十四尋十六

里館外 幣安定安定波月等社仕官族多居此前至海門號勳
越少飯舍無宿處 幣級可宿擺吉 廣祿驛鄧棣社號宮扶路
皆林莽沙石難行自館外至此九千八百四十尋六十里館吉沙磧
難行 館蓮內水蓮社俗傳社有大潮蓮不植而生有社長廟昔
黎灝征古城欲開港以通水道社長陳某謂其沙噴不能成港灝
怒斬之既而果塞灝悔立祠祀之 館蓮外自此至館下淇多灌
莽沙石難行 館宇水蓮下社有生成石佛寺今廢一帶荒莽多
虎狼 館使 館下淇界連廣治道可宿 淇村富長社 擺沙
龍通兩沙洲堪輿家謂是國都左龍之應 治立驛號宮茹胡自

此至館塢皆平田自館吉至此六千七百六十六尋四十里嵩茹胡
春媚社胡季聲此處人灌莽極自有渡名渡茹胡舟行二日半可
至國都不易行不若陸路之便歌曰牧媪英拱悶無事嵩茹胡悖
破三江曷免洪嵩茹胡官內贊林嚴破江地近海門 館方囂
珠瑞庸可 明良有市 幣辰利治高驛高舍社自嵩茹胡至此
七千六百零六尋三尺五十一里 館塢高舍社柳門山頗高館在山
上 幣抹河上社可宿 館驛庸治安驛號宮崇安樂社屬登昌
縣自館塢至此九千四百四十三尋六十里渡鈞 鈞鰲江 館磻
渡來福 館吉祿全江愛子橋近愛子江 館福美 嵩塢旗

沙洲 渡碣翰石翰社水極清 廣治省今改為道界連海陵縣

治舍驛立舍社自渡釣至此九千四百四十三尋六十 渡戍

館抵過此二里有延生市可 嵩峯灌莽極目 館几延為海

陵縣治有市 渡碣 渡驛界連香茶縣屬承天府 良田江

承美驛美川社號宮驛屬廣田縣自渡戍至此七千七百七十五

尋五十 幣驛可宿 瀆江 嵩吉 嵩瀆嵩茹飯路皆砂礫難行

館扶宅 館核旁 館營 嵩林坦路皆沙 承安驛上安社

號宮林坦自幣驛過二里至扶宅社又至高驛墟路甚遠多沙難

行自幣驛至此七千三百二十尋零一尺四十 宮富屋可 渡富

屋 館清涼 館邾 幣六初 北亭 六初橋 西北門 幣

我蜀 承天府即國都富春省屏山香江俱在城南自宮富屋至

富春四萬六千三百四十九尋零二尺三百 計一尋作八尺其一

百五十尋視中國為一里由河內至富春吉行廿八日共三十六

宮計程三十萬四千六百九十九尋約當中國二千零三十二里

也 按古法三百步為一里每步六尺當得一百八十丈為一里然

自河內東北行歷北林諒山至鎮南關交廣西甕祥州界計程七

日約四百餘里自河內西北行歷山西興化宣光諸省至保勝河

口汎交雲南蒙自縣界約計七百餘里須半月程也自富春遵海

而南轉西行約九百餘里至西貢

越南之地負山面海南北袤長三千五百餘里東西廣處六七百里狹處不過數十里原係三國合而為一自橫山以北稱為北圻本安南國境分十三道道設承政司以治之而以河內為東都清華為西都陳黎莫氏諸僭國皆居之其地名官制多效法中華今亦稱十三省其實一省之地僅當內地一州郡耳自橫山以南順化廣南諸道本廣南國境乾隆末年廣南王阮廣平始滅黎氏而併之建都於富春其後黎氏之甥阮福映起兵龍奈奪據其國仍都於此謂龍奈為古越裳氏乃請於朝改國號曰越南今之國

王即其裔也而以廣平廣治廣南廣義平定富安平康平順稱為畿內八鎮最南嘉定六鎮之地稱為南圻本占城國境別為風氣其民多巫來由種類阮氏強時始征服之阮福映起自龍奈借助法蘭西之兵力因以得國遂將其地割以酬法其年月雖不可考大抵在道光之初耳法人佔踞其地日漸繁盛通商馬頭曰西貢即柴棍之轉音相距十里有市埠曰隄岸一名柴棍華人集居於此者不下數萬戶焉占城之西為臘國幅員五六百里本漢林邑縣地都城曰東埔寨一作甘宇智一作干波底又作干賓俱譯音之轉今亦受制於法人矣

畿內八鎮 廿一府 六十二縣 六州

畿內八鎮亦號八省皆瀕於海地形彎環如半月北界橫山南界龍奈綿亘二千餘里自昔別為廣南國阮氏世鎮其地國富兵強卒篡黎氏而併安南然不再傳舊阮復為新阮所滅而奪之中國用兵多在北圻即冊封使節亦罕至南疆惟勞文毅公曾一至富春國都焉

廣平省轄二州二縣

灑江 廣平關 柴壘 布政門 潞淪門 日麗門 明靈門

廣治省今改為道轄二州二縣

大小長沙 越門 思客門 瑛海門

順化省轄二府四州五縣附郭曰承天府又曰富春一作虎地又

作博依都建於順化港之陰距海口十八里沿江兩岸居民繁盛多草廬少瓦屋東南隅有勞湖可以泊舟

廣義省轄一府三縣 東北有與一百三十餘嶺

廣南省轄二府五縣本漢日南郡治

平定省 一府三縣

富安省 一府二縣

平康省 一作慶和 二府五縣

平順省 一府二縣

南圻六鎮

南圻六鎮本占城國境或作占不勞古之越裳氏也

邊和省為占城故都本名龍奈又作農耐祿賴在西貢之東

嘉定省本名柴棍今稱西貢距海口百餘里九十九灣江流屈曲極目灌莽所謂獠瀨江者蓋龍奈之轉語也此江原委甚繁更僕難數近海皆沮洳草澤東有巨灣便於避風泊舟有石山障之山上法人建立礮臺其南數十里有大小崑崙島為法人囚禁罪犯之所迤西一帶海港八九處皆瀾滄江之分派也

潘安省土名朱篤

永隆省土名隆河

河仙省土名港口此外尚有 隆川 沙瀝 瀝架 瀦臻 左

安 茶榮 彬地 新安 爹瀝 壳弄 變瀝 變栳 土尤

木諸市埠蓋法人雖有變更仍其土名

橫山起自思茅迤邐東南行屏障興化山西清華內外又安諸省分支東行橫亘河靜省之南直抵海門為南北之分界故謂之橫山其正幹復遵海而南經絡順化廣南諸道而盡於龍奈馬山之外為瀾滄江沿江兩岸皆崇巖疊嶂老耄族類居之不通聲教商賈罕至其地再西則為暹羅國境矣

河內省東去海口三百餘里西北四十里有湖曰浪泊漢伏波將

軍駐師處所謂飛鳶站之墮水中也江分為二一支從泊西面流出環繞京城之西南為蘓瀝江又南流經甯平省城分數道入海一支從泊東面流出環繞京城之東北為富良江又經興安南策南定諸城分數派入海地勢至此平行膏腴沃壤甚繁縱橫交錯處處可通舟楫今之輪船出入則皆由海防一口

北圻濱海地形彎環向外謂之東京灣南圻濱海地形彎環向內謂之廣南灣東京灣廣六七百里長千餘里等於渤海無大風浪考其緯度河內省正與瓊州相值輪船從香港起程繞行瓊島之南九兩日夜即抵海防廣南灣附近一帶多係暗沙船若溜入其中非得西北風不能出也故舵師以望見富春山色為畏途舊說安南軋船屢敗洋艘蓋因誤入淺沙膠滯遂為所困理或有之又順化港口水淺巨船不能駛入阮氏建都於此雖曰重戀故土亦以避海患耳其外為七洲大洋有萬里長沙千里石塘之險海天空濶常多颶風

輪船水道由星加坡直抵香港凡八日程星加坡至西貢三日程由西貢至香港六日程由西貢往東京亦知之蓋避廣南灣之險不能沿海岸而行必先南向出崑崙洋然後轉北向過七洲大洋至瓊島之南乃折西北行而入東京灣又西貢之西南附近真臘

一帶海灣盡是爛泥不便駛輪故往暹羅之船亦必南至星加坡
傍巫來由長島而行循海灣之南歷彭亨大尼六坤宋卡諸地以
達於暹羅都城曼谷也